

Skirbi pa Ruthy "Lady Ruth" Vrieswijk-Bergen
Shon Piet Berkley na caminda pa cumpli 90



Tawata un dushi y bunita Diadomingo dia 14 di februari cu dobel celebracion di amor y amistad den famia Berkley. Cu na cabes di famia, Piet, si, e gran Piet di Piet's Ice cream Fabrick di antes, añanan pasa den La Salle straat, Oranjestad, Companashi, amiganan clientenan pega di e Sra. esposa di Piet, "la bella" Tia Loly, manera hopi ta yama su persona, a bini hunto pa nan tradicional celebracion anual cu a pone e biaha aki riba dia di San Valentino, riba e mesun fecha cu ta fecha natal di nan prinses Emily Berkley kende ta studiando na Hulanda.

Mientras Emily a cumpli e bunita edad di 30 primavera, nos amigo Piet ta na caminda pa cumpli su di 90 aña di bida, dia 26 di november venidero. Nobenta yen di dushi cuenta!!! E bunita hardin berde, berde y yen di



bunita flor tawata tur bunita dorna cu curason y blaasnan cora pa accentua e dia di amor y amistad. Y e brunch buffet tawata super dushi! Bolo home made y bunita dorna poni riba e mesa rondo den e hardin, banda di un bunita boket di rosan cora den un vaas, cu tur presente cantando pa Emily, mientras su ruman Alex tawata filma pa manda pa Emily wak y tende con bunita nos a celebra su Happy Birthday na Aruba, na cas di su mayornan yen di amor.

Shon Piet mes ta mostra bon y cu bon apetit tambe el a saboria e sopi di pampuna y su pida anasanan. Piet ta reconece bo y sa ken bo ta, ta smile y parti sunchi riba e mannan di e damsnan cu bin cuminda su persona.

Danki Alex pa e koffie cappuccino! El a baha super bon mes, despues di Lady Ruth su diasabra anochi di baile den Indian Rock Garden, na pia di Hooiberg cu un dushi fiesta pa e gran dia di amor y amistad cu e bandanan Reflexion y Why Not. Lady Ruth y Johan, su valentine for life, a baila masha dushi mes den e luga bunita dorna ey, asina romantico cu e cortinan blanco cu curasonnan cora. Nos a laga e musica di e dj's nan pa esnan cu tawata tin mas gasolin cu nos, hahahahah!!!!

Danki y pabien na e comis-



ion organizado, e motor sr. Gus Oduber pa un fiesta dushi asina!! Danki bella dama Loly, "la profesora de peinados bellos" pa e bunita celebracion den bo bunita hardin diadomingo mainta/merdia. Manera mi a comparti, tawata un super weekend di amor y amistad cu a culmina diadomingo anochi na Café The Plaza cu dushi musica di un tocado di saxofon y despues Flor y Arian de Bie cu nan fluit y guitarra, cantando den varios idioma e cancionnan di mas romantico.

"Dank je wel lieve mensen van The Plaza Café voor mijn mooie rode roos! Prachtig!!! En....het eten was weer heerlijk!" Servicio excelente!



Y....e inspiracion di amor ta sigui...pasobra...ta tur dia nos ta stima y wordo stima!

Cu e amor di Dios den nos,

e amor di mas grandi y mas bunita! Spera cu tur nos lectionan tambe a gosa di nan super dushi dia di "Amor y Amistad".....☐

